

এইচএসসি ও আলিম পরীক্ষা আজ থেকে

পরীক্ষার্থী ৬ লাখ ১৮
হাজার ৩০৮ জন

স্টাফ রিপোর্টার

সারা দেশের দশটি শিক্ষা বোর্ডের অধীনে এইচএসসি, আলিম ও এইচএসসি ডেকেশনাল পরীক্ষা আজ (বৃহস্পতিবার) শুরু হচ্ছে। ৮টি সাধারণ শিক্ষা বোর্ড, ১টি মাদ্রাসা শিক্ষা বোর্ড ও ১টি কারিগরি বোর্ডের অধীনে এইচএসসি ও সমমানের পরীক্ষায় এবার অংশ নিচ্ছে ৬ লাখ ১৮ হাজার ৩০৮ জন শিক্ষার্থী। এর মধ্যে ৩ লাখ ৪১ হাজার ১০৬ জন ছাত্র এবং ২ লাখ ৭৭ হাজার ২০২ জন ছাত্রী। দেশের ৭ হাজার ১৩৭টি প্রতিষ্ঠানের ...

এইচএসসি ও আলিম পরীক্ষা

প্রথম পৃষ্ঠার পর

পরীক্ষার্থীরা ১ হাজার ৯১৯টি কেন্দ্রে পরীক্ষা দেবে। পরীক্ষার্থীদের মধ্যে ঢাকা বোর্ডে ১ লাখ ৫৩ হাজার ৩৯৮ জন, রাজশাহী বোর্ডে ৭৫ হাজার ৬২৯ জন, কুমিল্লা বোর্ডে ৪১ হাজার ৬৪৪ জন, যশোর বোর্ডে ৭২ হাজার ৪৮৯ জন, চট্টগ্রাম বোর্ডে ৪১ হাজার ৬৪৪ জন, বরিশাল বোর্ডে ৩০ হাজার ১৫৯ জন, সিলেট বোর্ডে ১৮ হাজার ৩৪৯ জন এবং দিনাজপুর বোর্ডে ৫৯ হাজার ৪২২ জন। অটটি সাধারণ শিক্ষাবোর্ডে পরীক্ষায় অংশ নিচ্ছে ৪ লাখ ৯৪ হাজার ৮৩৩ জন। মাদ্রাসা শিক্ষা বোর্ডে ৫৯ হাজার ৩৫৪ জন এবং কারিগরি শিক্ষা বোর্ডে ৬৪ হাজার ১২১ পরীক্ষার্থী এবারের পরীক্ষায় অংশ নিচ্ছে। এছাড়া জেলা, রিয়ার, কান্তার, আবুধাবী ও ত্রিপুরীতে অবস্থিত ৫টি বিদেশী কেন্দ্রে থেকে ১৭০ জন পরীক্ষার্থী পরীক্ষা দেবে। এ বছর সকল বোর্ডে ড্রপ আউট শতকরা ১৯ দশমিক ১৯ ভাগ। এর মধ্যে ছাত্র শতকরা ২০ দশমিক ২৯ ভাগ ও ছাত্রী শতকরা ১৯ দশমিক ৪৫ ভাগ। গত বছর ড্রপ আউট ছিল ২৩ দশমিক ৫৮ ভাগ।

এদিকে ঢাকা মেট্রোপলিটন পুলিশের (ডিএমপি) এক বিজ্ঞপ্তিতে আজ থেকে পরীক্ষা কেন্দ্রের দুইশ' গজের মধ্যে পরীক্ষার্থী ছাড়া অন্যদের প্রবেশের ব্যাপারে কড়াকড়ি আরোপ করা হয়েছে। আগামী ২৮ মে পর্যন্ত এ নির্দেশ বলবৎ থাকবে। ডিএমপি কমিশনার এ কে এম শহিদুল হক জানান, ডিএমপি অভিযোগের ২৮ ও ২৯ ধারায় মেট্রোপলিটন এলাকার পরীক্ষা কেন্দ্রগুলোতে শান্তিশূর্ণ পরিবেশ নিশ্চিত করতে এ কড়াকড়ি আরোপ করা হচ্ছে। শিক্ষামন্ত্রণালয় থেকে জানানো হয়েছে, দেশের অন্যান্য পরীক্ষা কেন্দ্রগুলোতেও একই ধরনের কড়া নিয়ন্ত্রণ ব্যবস্থা নেয়া হয়েছে।